

據明過庭訓纂集影印
明天啓二年刊本

本(明)朝分省人物考

一二五卷
附索引

(三)

成文出版社有限公司印行

中華民國 六十年一月臺一版

本(明)朝分省人物考

全三十冊

發行人：黃成助

台北郵政信箱二二六〇五號

出版者：成文出版社有限公司

台北郵政信箱二二六〇五號
台北市羅斯福路三段279之二號
電話：三七〇一三二號

印刷者：東南印製廠有限公司

和平西路二段70巷83弄29號

人物考目錄卷之一百十二

廣東惠州府

王 度

李 顥

張 津

陳吾德

葉夢熊

楊起元

陳 駿

葉 應

曾 祿

姚 祥

車邦佑

唐 納

王天與

曾守約

翟宗魯

葉春及

李學一

謝憲

附李學一

潮州府

戴瑀

吳裕

黃勲

附子一道

翁萬達

章熙

薛侃

蕭鼎

林祖

蘇福

補遺

林興祖

林希蔭

蕭璽

李齡

吳一貫

王 昂

莊 瑛

鄭 一勑

劉子興

林大欽

陳一松

陳瑞龍

鄭 晏

唐伯元

薛宗鑑

瓊州府

葉 穎

唐 舟

叫子亮

邢 眇

薛 遠

丘 濬

王 佐

唐 胄

陳 實

鍾 芳

海 瑞

鄭廷鵠

王懋德

丘 敦

曾 鵬

林士元

吳會期

黃 顯

黃宏宇

附弟宏憲

肇慶府

梁 敏

梁 軫

陳 鼎

梁致育

劉 芳

附子竑

盧宅仁

莫如士

李津

南雄府

陳德文

譚大初

韶州府

黃裳

鄧顥

廉州府

林榮

高州府

姚岳祥

卷下二目金

三

9824

本朝京省人物考卷之二百十二

廣東

惠州府瓊州府

潮州府肇慶府

王 度

王度字子中惠州府歸善人肆力經籍研理修詞部使者以明經薦起家拜監察御史繩糾務持大體疏十餘上多見用高帝升遐諸藩不靖兵部齊泰等會議軍事度與僉謀監庚辰會試翕然稱得人時曹國公李景隆北征敗績退保濟南以歷城侯盛庸代之度密輸籌策隨機制勝乃有東昌之捷景隆徵還赦不誅且當輒用事忌庸等功多掩已反行讒間度

等皆見踐夏六月濟寧告急將士率與突避敵度請募兵益戰乃有小河之捷夏五月鳳陽不守北騎長驅方孝孺與度等畫策誓死社稷秋坐黨禍謫戍賀縣後被族誅度死時年四十有七

李顥

李顥字思誠惠州博羅縣人正統丙辰進士由刑部主事擢福建按察司僉事未幾陞叅政綜理海道景泰丙子調任山東入順戌寅進右布政庚辰入覲時天下官旌異者僅十人而顥預焉賜宴于禮部兼錫金織襲衣轉左布政丁父憂改浙江成化丙戌召爲

工部右侍郎錢塘江溢衝齧堤岸壞民田廬往治之
人賴以安還朝年六十有二以疾乞歸成化十六年
六月卒計聞賜祭葬如例顥廉靜寡慾不事聲名歷
官中外皆著政績爲時所稱其在閩甫民有游益納
者仗中官勢爲鄉里大害無敢誰何之者顥至立置
於法至今閩人稱頌不置云

張津

張津字廣漢惠州博羅縣人成化丁未進士令建陽
遏礦盜創縣城舉荒政除女妖置田以祀五賢俾其
後領之治迹甚著以憂去後補大治擢監察御史疏

講學慎令等四事正德二年出知泉州時逆瑾扇譖
鎮舶私人絡繹下郡邑津以嚴重鎮之輒屏息以去
政平而信吏牘無欺民訟無所誕者強戢弱安郡方
仰見政化之成僅三閱月竟以逆瑾排去去之日百
姓送者塞道且祝焉五年瑾敗補寧波府尋陞山東
左叅政八月陞南院右僉都御史兼管操江九年命
征賊寇十年陞都察院右副都御史巡撫應天等府
上言江南水旱宜停止織造寬卹民力不報以征湖
州孝豐賊有功遷戶部右侍郎兼左僉都御史巡撫
如故未久卒于官贈南京戶部尚書賜祭葬津歷官

清謹練達吏事而自守嚴正故所至有聲望云

陳吾德

陳吾德字懋修惠州人嘉靖乙丑進士授行人冊封蜀府及營豐城李尚書瑩皆無私交隆慶己巳進工科給事中時東粵盜賊如蝟咸執空文以罔朝廷自督府上下相遁盜賊日多疏上八事明賞罰復兵防議舟師禁闈出補假貸覈虛冒慎撫勦卹忠勞上從之庚午元旦日食鼓于禮部僕御亂行無禮雜沓喧逐大臣自攜茵褥肆然安坐德奏非敬天之怒無敢戲豫之意且元夕月復食矣日月交食天威孔赫

陛下宜居法宮戒荒寧罷游宴凡娛耳目悅心意一切無益勿復爲之以迓天休于是勅下禮部救日月食無得喧厭自此始遣中貴織衣浙江上言民力已竭加之水旱莫若令有司如期徵解攝戶科適有買珠之命與同官李紀功切諫忤旨皆免爲庶人萬曆改元復召爲兵科給事中至京卽劾中貴人鄭貞傳內旨官其姪錦衣并總督劉燾奸贓不宜召用時江陵專言事者多承風先白乃敢言德以給諫非宰相私人獨不附禮部主事宋儒與兵曹熊敦朴交惡購散朴欲疏江陵與王篆江陵遂令部尚書譚論劾

敦朴謫外德因並劾儒江陵嘆其不自己憾之成圖
公朱希忠薨行金錢求贈爲王復上疏力爭不可江
陵大怒明年二月而一麾出守矣至饒正風俗作人
才廣厲學官置旣士之田談經校藝立父老正三爲
條教頒行民間勸以爲善去惡其善惡皆有籍行之
出于至誠禁溺女減網罟之徵定湖港之稅革浮羨
遠貨利宗室負勢驕奢難繩以法懼德之嚴正皆杜
門斂手卽吹笙度曲惟恐明府聞也樂浮德安多山
亡命潛匿番餘則濱彭蠡接九江上流不逞之徒與
濤出沒萬年尤盜淵藪於是飭什伍鼓勇銳有警掌

固扞諸岸戈船扞諸江三年而盜皆遠去江陵以前憾未釋嗾言官劾以違禁講學擅用庫金指買學田降馬邑典史已竟削籍癸未江陵死起用推官以親老不赴後丁內外艱服除詔起同知紹興至則歲祲奸民並興爲盜職主誥盜殲渠魁二人而撫其饑者郡中清遷湖廣僉憲分部武昌巨寇劉汝國虞孟新倡亂久率師詣壘擐甲督戰二賊就擒餘奔遁上功幕府自黃州行部歸武昌遘疾二日卒年六十有二德忠誠天植正直不阿始罷歸羣盜充斥邑西梁村雲鄉二壘反爲賊窟自骨蔽野請材官鄧子龍屯守

復臨江之戍至今賴焉邑士以科第少謀徙學曰無
改作爲也建文昌閣於左而引紫水入泮池科第自
此盛邑負山環海內狹外寬亟言于當道築其外郭
若白沙先生祠若節婦烈女祠並新之事關利害名
教爲之不啻饑渴皆竊侈靡佚游酣溺雖里人必正
色誠之人亦不敢不從也

葉夢熊

葉夢熊字男兆號龍潭歸善人嘉靖乙丑進士令福
清以廉能卓異徵拜監察御史居臺三月會議俺答
封貢事忤旨謫邵陽丞二年量移歸德推官遷南